

John oskūn', ipīt'sūpīnnuyiuax ak'iosatsīs, Zebedee, un'oauaie, aip'sīniāx otomik'atsuauax: ki itsīn'nikōttsiuax.

22 Ki ipīt'skīttsiiauāie un'oauaie ki ak'iosatsīs, ki itopokiūo'iauāie.

23 Ki Jesus Galilee īstokōnau'ōssīnni itap'auauōkau, otatoiapioko'auēsts itai'pīstksīnimatstokiū ki aisokse'puyiū spots'im īstsetam'itsīniksīnni; ki matap'pix opūs'tsīmmesuai ki otok'tokossīnuauēsts ikōnau'kūtutuyiuax.

24 Ki otap'īstutūksīnni ikōnauānetūnīstēpāie Syria īstau'ōssīnni; ki ikōnai'oktokosīx, ki amianīstspūs'tsīmīsīx, ki annīks'isk matap'pixk saumitsitappiūā itsīps'tokoyiau, ki mat'tsapsīx, ki an'auxenīx, ikōnitautsīppotōaiāx; ki ikōnau'kūtutuyiuax.

25 Ki Galilee īstokōnai'tappix ikōnaw'pokiūoiauāie, ki Decapolis, ki Jerusalem, ki Judāea, ki Jordan ap'ūmmotsīm īstokōnai'tappix matsēkōnaw'pokiūo'iauāie.

CHAPTER V.

KI otsīnno'ossax akai'tappix nitum'mo ita'mīso: ki otap'pīssi otsitappim'ix ototakax:

2 Ki itsipa'kuiakiū ki itūksīnīm'atsiuax, ki itūniū,

3 Annīks'isk matap'pixk oskēttsipōppuauēxk īkikīn'etūkkiisk, etam'etūkkiau: spots'im īstsin'naiisīnni osto'auai otsinan'oiāu.

4 Au'yesīx etam'etūkkiau: aiaksikiawpīksīstotōaiāu.